

DIVINUM. UMBRACULUM.

*MEMBRO. QVONDAM. LECTISSIMO.
VIRO. CLARISS.*

**DN. M. MICHAELI.
SCHIRMERO,**

**GYMNASII. PATRII. QVOD. FRI-
BERGÆ. HERMUNDURORUM. EST. CON-
RECTORI. DEXTERIMO.**

**THALAMUM. CONJUGIALEM.
CUM. VIRGINE.**

*TUM. GENERE. TUM. FORMA. VIRTUTIBUS. Q.
CONSPICABILI.*

A N N A. MAGDALENA.
VIRI.

NOBILISS. AMPLISS. ET. EXPERIENTISSIMI.

DN. JOHANN. CASPARIS HORNII.

*PHILOS. ET. MED. DOCT. REIPUBLICÆ. FRIBER-
GENSIS. PHYSICI. ORDINARII. PRIMARII.
ET. PRACTICI. UT. FELICISS. ITA. CELEBERRIMI.*

F I L I A.

*D. XXVI. NOVEMB. A. MESSIAN. M. DC. LXI.
INEUNTI.*

L. M. Q. PRECATVR.

SUB. UMBRIS. TILIARUM.

COLLEGIUM. CONCIONATORIUM.

M A J U S.

*L I P S I A
TYPIS. VIDUÆ HENNINGI. COLERI.*

Audent opacis Virgines novem umbrâclis,
Et rupe fontis pendulâ Medusæ;
Non turbulentæ pulvis has juvat pompæ,
Vitæve semper fluctuantis Euripi,
Nec sub patronis longa bella clamoris,
Aulævé fulgor dulciter venenatus
Arridet illis: litigantium qvippe
Omni solutæ jurgio, otium captant
Prædulce in umbris arborum comatarum,
Qvas blandulo auræ permeant susurratu,
Puræq; lapsu vitreo alluunt undæ.
Eadem voluptas fascinat tuam, ô Noster
SCHIRMER, mentem. Scilicet sub umbroso
Te rupis antro Thespiae imbuit Clio,
Succisq; totum implevit Hippocrenëis.
Umbræ inde, Musis Delioq; qvas priscus
Sacravit Ordo, sunt tibi usq; anhelatæ.
Umbrâcla verò cultius freqventata
Fuere semper, Plissa qvæ vado lambit
Viciniori. Nec negare Phœbeam
Qvibat corollam, qui biverticis sacrâ
Delubra Pindi, & laureum nemus frenat.
Laudes adhucdum sibilant tuas molles
Heliconis umbræ, fonsq; Pegasi grato

Cadens

Cadens cachinno. Noster & SION, cuius
 Qvondam recessus entheos pererrabas,
 Nunquam silebit strenuos tuos ausus.
 Erramus? umbris destinatus an fato es?
 Relinqvere umbras Lipsici jubeare
 Xysti, ut subires inde patrii umbrosos
 Flexus Minervi, cereamq; formares
 Manu magistrâ in literis juventutem.
 Sic est. Agenda umbratica est tibi vita,
 Auriga Fati qvando ita ordinat summus.
 Frustrâ repugnas, auspicate si Cœlo
 Qvassatur urna. Ast plurimus licet sudor.
 Exspumet illi, qvi scholasticas intrâ
 Crates laborat, non deest laboranti.
 Tamen levamen, qvod laboris austерum
 Fel saccharato rore mellis edulcat.
 Atq; en! Tibi offert nobile allevamentum,
SCHIRMERE, Rerum magnus omnium Rector.
 Bellam puellam nempe, qvæ fatigatum
 Curisq; lapsans erigat dein pectus.
 Sic, sic licebit qværere umbrulas longæ
 Quiet amicas, qvicqvid & diurnorum
 Haustum est laborum gymnicis in umbrâclis,
 Obliviosæ tradere inter amplexus

Nexusq;

Nexusq; nocti. Nec minus licet blandam
Sperare prolem, qvæ nigras valet mentis
Difflare nubes, frontis & serenare
Vultus paternæ. Vita sic Tibi dulcis
Ducetur intra umbratiles scholæ anfractus.
Dumq; ipsa secum Sponsa Cornu Amaltheum
Adfert, Egestas exulabit hinc omnis,
Eritq; segrex grex tremendus Angorum.
At Alma semper Faustitas obumbrabit
Lectum jugalem, Faustitatis & complex
Hygea vernans. Subsilit SION NOSTER,
VOBISQ; COELI PERPES OPTAT UMBRACLUM.



DIVINUM. UMBRACULUM.	
MEMBRO. QVONDAM. LECTISSIMO.	
VIRO. CLARISS.	
DN. M. M. SCHIR	
GYMNASII. PA	
BERGÆ. HERMUND	
RECTORI. D	
THALAMUM.	
CUM.	
TUM. GENERE. TUM.	
CONSI	
ANNA. MA	
NOBILISS. AMPLISS	
DN. JOHANN. C.	
PHILOS. ET. MED. DO	
GENSIS. PHTSICI.	
ET. PRACTICI. UT. FEI	
D. XXVI. NOVEMB.	
L. M. Q. P	
SUB. UMBR	
COLLEGIUM. C	
M	
L I	
TYPIS. VIDUÆ	

